

來鳳縣志卷三十二

雜綴志

集異

湖廣通志載施州漫水寨有木名普舍樹普舍者華言風流也昔覃氏祖於東門關伐一異木隨流至那車復生根而活四時開百種花覃氏子孫歌舞其下花乃自落取而簪之他姓往歌花不復落尤爲異也

城中禹王宮建於乾隆中規模甚巨有覺其楹皆香楠也初建時求棟梁不得忽城西伏虎洞突有大木植立來鳳縣志卷之三十二雜綴志集異一水中視之亦香楠遂爲大輶輻轉巨纜百夫牽挽終莫能動衆乃刑牲禱於水次是夜雷雨大作木隨暴漲流出工師度之修短適符又正殿右楹縱橫結構處其樨時離時合亦一異也

有石工入貞肅里山中伐石石間得石盒圓徑數寸揭其蓋中有二小石龍左右蟠屈成太極圖形旁列八卦方位不差

又入山伐石者得兩磁碗俯仰相合揭之碧水澄然中有金魚躍出

道光丙申五月縣西板橋河每夜有光初不知爲何故羣往視之乃羣蝦負火如螢照耀閃爍沙石畢見捕置缸中明如燃火好事者呼爲蝦燈

新司城東之山聳然特立絕頂有秦古寺圯廢已久而鐘聲常自荒煙巾出或比於豐山之勝然豐山之鐘霜降自鳴此則無鐘而有聲抑亦竒矣

新司城之東十里山形若獅子每於鷄鳴後聞山上有誦佛聲

城外江西會館祀許旌陽每數歲有青蛙神至或一或

來鳳縣志

卷之三十三

雜綴志

集異

二

二或三不恒厥數至則止於繡谷神座前大倍常蛙色碧背負七星寺僧覺而盛以盤飼以汾酒能盡數器西人大和樂以媚之去則不知所之或不欲去而強送諸河送者未返而神已踞座前如故蓋江西土神也

乾隆戊戌己亥邑大饑城北紅桂坡忽生土屑滋潤潔白飢民取以爲食或和飯食之全活甚衆因名曰觀音泥以大士之救人也道光壬辰邑又饑亨康里之紅崖坵貞肅里之猴栗堡亦產此泥救濟亦多

按凶年噉食土屑石粉歷代已然文獻通考及稗史

諸書載之詳矣占曰地生麪民將飢食之之法須和以家糧或作餅炙熟方免脹斃之害食傷瀕危惟冬葵子煎湯可以治之

米攜崗在佛山之半昔有高僧焚修於此日於石隙獲米一盞以供齋粥亦莫測其所自來久之化去後有貧僧將石鑿開了無一粒

嘉慶丙辰匪變孝原里民多避亂於高洞一日賊大至將肆擄掠水忽泛漲賊皆反犇大呼隔岸有赤面人持刀阻截遂退里人謂關帝顯靈建廟於紅沙田

來鳳縣志

卷之三十二

雜錄志

集異

三

邑有所謂元魃者俞兒木客之類也來去無踪見之者皆曰形如好女能於空中墮墜瓦碎盃杵衣履或無故自焚百出其祟使人不堪或從而奉之惟謹所欲皆應念而至有因之致富者然小有忤觸又罄所有盜而富他人故俗謂之小神子此惟運蹇而行邪者乃憑之正人不能犯也

邑南八里有古柏黛色霜皮相傳爲明時李達道所植今半心空矣每植晴雨輒有雲烟出其上居人屢卜屢

驗

孝原里茶園溝溪畔猴栗樹一株大二丈圍高十餘丈  
老幹縱橫陰覆百畝遠而望之佳哉氣葱籠也過其下  
者神風泠然不戢自肅宋元以前物也昔人比之海上  
靈椿

犀能分水通天者駭雞蘇子瞻送喬施州詩所謂雞號  
黑暗通蠻貨者也前代有人樵於宣撫堡之濱忽潭水  
沸騰見一物從水底石穴分水而出其形似牛頂額鼻  
各戴一角樵者駭極以手中柴斧投之復入石穴而水  
仍合蓋水犀也故其地各曰犀牛潭

來鳳縣志

卷之三十三

雜錄

集異

四

卯水正崗上下二崗相近下崗河水所經濶達如城垣  
上崗青壁無梯高數百丈仰而望之有門焉木欄縱六  
橫七人迹所不能至也相傳漢唐時有逕可入中有金  
杯玉筍借之者望空誠禱卽得後有易以銅錫者於是  
仙津隔斷可望而不可卽矣

青屏山在縣治南百餘里青石屹立了無餘土縱二十  
餘丈橫十餘丈高百餘丈四面皆壁類刀削成望之若  
屏古藤下垂無徑可陟嘉慶間有覃姓者聞鷄鳴絕頂  
乃攀大藤上之若有神助峯二層第一層石平如砥徑

五丈橫三丈有奇次層如之復援藤而下延工鑿修磴道險惡之處鎖以鐵縲上建佛寺二間次層亦如之寺後有瘦木數十本旁有瘦竹百餘竿涼風歙至聲動若琴綽有雅趣石壁隙中湧清泉一綫類擠出者以長頸甕承之可共二人之用其性清冽泌齒以之煮茗味極佳美謂之仙泉遂棄妻子爲僧居之不持肉戒每歲旱以小佛一尊倒負於背鳴鑼咒佛呼天求雨雨多應之俗謂之顛僧老乃積薪寺側焚身坐化焉其子拾餘骸埋之今呼顛僧塚云

來鳳縣志

卷之三十二

雜綴志

存疑

五

存疑

四川黔楚之交所在多漢丞相諸葛武侯遺蹟實當日旌節所蒞非盡附會以增山水光也距縣南百二十餘里有洞可藏數百人在勇敬里漫水塘下流左岸峭壁千尋中深不可測洞口綠蘿如帶雲樹蒼茫相傳武侯征蠻至此因名曰諸葛洞恒有羽客來往靈蹟宛然府志稱邑在五代爲感化州在宋爲富州爲柔遠州其說蓋出於明雷思霈施州衛方輿書考之載記多不合者或曰柔遠州屬懷德府隸四川行省見元史地理志

或曰感化州元屬思州安撫司見永順府志或曰富州有二見宋史蠻夷傳一爲北江蠻一爲南江蠻卯崙司志載彼處土司在前明以功授爵者不一其人其強盛似出東流臘壁諸司上也明史土司傳竟無一字道及

土司官屬有同知經歷都事吏目儒學教授訓導皆以流官爲之凡土司皆然邑七土司惟卯崙志載有經歷趙全仁山東貢生餘俱無聞豈有其制而未備其員與抑代遠年湮莫能考也

來鳳縣志

卷之三十二

雜綴志

存疑

六

宋章惇經制南北江諸蠻謂在黔之西南阻五溪漢黔中地爲北江隸辰州自辰州達於長沙各有溪崙爲南江本唐郡縣地今自辰州之西而上溯之爲北河而寶慶城步有巫江入綏甯者謂其必經南江豈卽昔所謂南北江之分與

北江羈縻州三十六而溪州爲大錦蔣富叙等州則屬北江然南渭州在唐則屬富州

官富州者五代時則有守富州別駕彭師杲宋乾德初則有領富州刺史杜審瓊瓊昭憲皇后之弟也

年則有鶴州刺史向通漢改爲富州刺史至道二年封  
河內郡侯子光憲遞襲

祥胄

雍正年鳳鳴於半邊城

半邊城在城東不半里卽翔鳳山也土司時相傳有  
鳳集於此邑後因之得名

乾隆二十八年癸未七月大水

是年七月初十日霖雨三晝夜至十二日午未時各  
處水漲漂沒樹木屋宇器物將仙人洞口壅塞不通

來鳳縣志

卷之三十二

雜綴志

祥胄

七

淹至縣署頭門避水患者盡登半邊城傍晚漸退

乾隆四十三年戊戌邑大饑

乾隆四十九年甲辰邑大饑

乾隆五十九年甲寅佛像生芝如蓮

嘉慶八年癸亥空中常聞兵馬聲居民皆驚匿不敢出  
戶

道光初年東門外民婦產一子腦如其面各具耳目口  
鼻未幾死

道光十一年辛卯大饑

道光十二年壬辰大饑

道光十五年夏六月日碧色無光

道光十七年丁酉夏城隍廟外水田開並蒂蓮

道光二十八年戊申邑生嘉穀大如黃豆有鬚重重團  
結圓如豆餅老農曰此穀王也田生此穀其穫必倍

道光二十九年己酉夏邑大饑流民入境死者枕藉是  
年之夏竹皆花花後盡枯死

咸豐六年丙辰夏五月初六日辰時地震屋瓦皆動

同日地震者環數百里皆然咸豐黔江之交地名大

來鳳縣志

卷之三十一

雜綴志

祥胥

八

路壩獨甚山崩十餘里壓死左右民居三百餘家當  
地震時有大山陷入地中忽躍出而後下墮者有平  
地本無邱陵忽湧出小阜十餘者有連山推出數里  
外山上房屋居人俱無恙者有田已陷沒而田內秧  
禾反在山上者有被陷之人忽從地中躍出身無寸  
縷者詩云高岸爲谷深谷爲陵其信然矣山麓故有  
河河爲山石所壅水乃逆行淹沒地方復二十餘里  
潛爲池廣約六七里深不可測不及月餘有大魚無  
數游泳其中豈三百餘家之男婦化而爲之乎悲夫



咸豐七年丁巳春豕產象

咸豐八年戊午夏有梟集於泮林

咸豐十年庚申大河壩山上蟻鬪 貞肅里井水鬪

咸豐十年庚申冬十一月薔薇海棠皆花

咸豐十一年辛酉卯崗民家犬作人言 是年春東門

外地鳴 夏五月夜空中有光如長虹曳尾而行自西

而來悉率有聲 六月二十四日彗星見於西北逾月

始滅 秋七月九頭鳥鳴 九月月赤如火 冬十一

月十二日夜大雷 十二月天裂一縫逾時始合

來鳳縣志 卷之三十二 雜綴志 群告 九

同治元年夏五六月民間訛傳有剪髮辮剪婦人乳剪  
鷄毛等怪舞紅龍以禳之月餘亦無他異

案張雲谷錦里新編云乾隆己丑春各省忽有剪髮  
辮之異其始自東南而西北其後復自西北而東南  
被剪之人微覺昏暈少頃視髮辮烏有矣而人亦無  
恙有從髮根剪者有留一二寸從中剪者不知究被  
何物剪去並聞都中婦女裙幅亦時被剪川省並剪  
及鷄毛鴨毛不解何故一時訛言四起各有委員捕  
治毫無踪影直隸總督以其事入奏

上諭之曰此妖氛也見怪不怪其怪自敗可不必辦後果  
息無他異

同治元年壬戌秋八月禾兩歧

二年癸亥夏四月麥秀兩歧 是年夏五月空中有聲

如礮

掇拾

五溪諸蠻遙接益州西境故先王伐吳使馬良招五溪

諸蠻授以官爵

叙州圖經

荆雍州蠻分建種落布在諸郡縣居武陵者有雄溪櫛

來鳳縣志卷之三十三雜綴志 掇拾 十

溪辰溪酉溪舞溪謂之五溪蠻

宋書南蠻列傳

楚滅巴巴子兄弟五人流入五溪各為一溪之長

晏殊彙要

開元十二年五溪首領覃行章之亂詔楊思勗為黔中

招討使率兵六萬往執行章斬三萬級

唐書楊思勗傳

土司二字始見於宋徽宗崇寧四年王祖道奏議

文獻通考

元世祖至元二十五年置湖廣溪峒蠻獠四總管府統

州縣峒百六十所用漢人為達魯花赤雜土人治之

本紀

石抹狗狗契丹人至元十七年進明威將軍管副萬戶

二十一年以蒙古軍八百從征散毛蠻戰於菜園坪滲

水溪皆敗之元史石抹狗狗傳

楊偉施州衛人官衛百戶黃中叛後臘壁恃險負固偉

冒死至寨諭以禍福遂詣軍門降舊衛志

洪武二十八年六月壬申詔諸土司皆立儒學本紀

按土司既設學當時列膠庠者必不乏人如今之咸

豐縣先亦散毛司地也在明萬曆時則有歲貢張文

煥崇禎時則有歲貢張齊廉 國朝康熙時則有恩

貢楊光宣又有唐先生者傳者逸其名康熙間官安

陸廣文亦散毛司人惜記述缺如諸如此類無從稽

來鳳縣志卷之三十二雜綴志 撥拾 十一

考耳

宏治十四年詔土官應襲子弟悉令人學漸染風化不

入學者不准承襲明史

土司時學無額有曉暢文理者本司送荊州附考卯崗司志

土人呼官長曰冲又曰送又曰踵永順府志

土司各分部落曰旂旂各有長管轄戶口分隸於各州

司而統轄於總司有事則調集為兵以備戰鬥無事則散

處為民以習耕鑿土人有罪小則土知州長官等治之次

則土司自治若客戶有犯則付經歷以經歷為客官也全

來鳳縣志跋

乙丑春省垣將有通志之役先  
飭郡縣各修志備採擇檄至時  
知邑事者爲蕭山 林公煦齋  
議甫定以補保康去夏四月  
今邑侯李公實來下車匝月他

來鳳縣志

卷之末

跋

務未遑惟邑志爲汲汲蓋將發  
下邑之光非第答上游之意也  
爰於閏五集邑人士咨諏咨度  
而以主稿屬何君葆山孝廉 鈞  
亦與焉何君三長夙擅固所優  
爲若鈞者鈍資懵學譬之駑駘

隨騏驥未能騰驤而先蹶其蹄  
僨車之咎所不免矣旣辭不獲  
已因念以邑人而志邑事分也  
況賢大夫提綱挈領顯示其  
程諸君子遠紹旁搜同襄其盛  
史書之紀述可援父老之傳聞

來鳳縣志

卷之末

跋

二

足據勉殫心力或不至大疵謬  
以貽簡乘羞惟臧否人倫苟非  
有道德能文章是非失當言之  
不能行遠竊不敢僭請以專任  
何君於是發凡起例別類分門  
旣循舊以圖新更徵文而考獻

略者詳之訛者正之事惟求是  
非期故異前人語必尋源要使  
昭茲來許凡六閱月成天文以  
下至雜綴等三十六志上之  
邑侯以俟訂正 侯山左名進  
士也鳴琴之暇輒復招同商搃

官閣燭搖筆談交暢理析精微  
詞歸體要 鈞藉以獲教多矣遂  
綜何君所輯行誼忠義孝義文  
學武功壽考節孝節烈入志共  
釐爲三十二卷付諸剞劂極知  
謙陋無當大雅然於一邑之始

終鉅細物具端倪似亦採風問  
俗者之一助云清風戒寒梓人  
歲事因綴璪言書諸篇末

同治五年歲次癸卯攝提格月  
在厲元張鈞識

